



SURICATA

AMPTELIKE NUUSBRIEF VAN HOËRSKOOL MONTANA

Tel: (023) 347-0476
Faks: 086 464 6983

E-pos: hoof@monties.co.za
Webtuiste: www.monties.co.za
Facebook: Montie Montana



NUUSBRIEF 2 VAN 2019

UIT DIE HOOF SE KANTOOR

Verlede Vrydag was een van dié dae waarna baie van die leerders uitgesien het – die kleure-atletiekbyeenkoms. Wat 'n voorreg was dit nie om weer deel van hierdie spesiale dag op die kalender te kon wees nie. Die “vriende” van Hoërskool Montana, soos wat ek ons ouers en ondersteuners wil noem, het hulle weer oortref. Die betrokkenheid as beampptes, lede van die OOV en toeskouers was weer eens puik. Baie baie dankie vir al u harde werk en tyd wat u aan die skool afstaan. Wees verseker dit gaan nie ongesiens verby nie.

Woensdag was dit weer die swemgala en ja weer 'n klomp ouers wat die snoepie beman hul kinders kom ondersteun. Ek wil egter die personeel se betrokkenheid weer beklemtoon. Buiten die ure wat hulle spandeer aan voorbereiding, afrigting en departementele vergaderings, is hulle ook voluit betrokke by hierdie byeenkomste.

Graag wil ek ook die terreindienspersoneel en afrigters hierby insluit asook al die lede van die beheerliggaam. Baie dankie vir die soms ondankbare werk wat u verrig. Ons waardeer dit opreg. Ons het onlangs 'n skrywe van die Burgermeester ontvang waarin sy die skool gelukwens en bedank vir die netheid en versorging van die skoolterrein. Sy noem onder andere dat dit bydra tot 'n positiewe beeld van Worcester.

Al ons ouers, donateurs en ondersteuners het my onwillekeurig laat dink aan wat vriendskap werklik is en ek deel graag *Nina Smit* se mening oor vriende:

Sonder vriende is enige mens oneindig armer, maar om 'n ware vriend te wees vra tyd en opoffering van jou. Om werklik 'n vriend vir jou vriende te wees vra dat jy vir jou vriende tyd sal maak. Dat jy gewillig sal wees om in jou vriendskap voluit van jouself te gee, dat jy jou hart vir jou vriende sal oopstel. Dit veronderstel dat jy dalk een of ander tyd baie seer sal kry, want hoe meer jy jou aan ander mense blootstel, hoe kwesbaarder is jy. Maar die opofferings wat 'n mens ter wille van vriendskap maak, is altyd die moeite werd omdat die beloning soveel meer is as die insette. Ware vriende is te alle tye vir mekaar beskikbaar; hulle is ook bereid om hulle vriende tereg te wys wanneer dit nodig mag word – en dit is baie moeilik! Vriendskap beteken verder dat jy gewillig sal wees om na vriende te luister. Dat jy nooit vriende sal maak vir die voordeel wat jy uit die vriendskap sal kan kry nie.

Om vriende te kan hê moet jy weet wat dit beteken om 'n vriend te wéés: jy moet ander mense aanvaar soos hulle is, sonder om hulle te wil oormak soos jy hulle wil hê.

AKADEMIE IS HOËRSKOOL MONTANA SE KERNBESIGHEID

Soos u kind heel moontlik reeds aan u genoem het, is daar afgeskop met die opgradering van die klaslokale. Die oogmerk met hierdie projek is om te verseker dat u kosbaarste juweel, die skool aan die einde van gr. 12 verlaat as die waardevolste juweel van die samelewing. Om dit te bereik wil ons die nuutste en mees effektiewe tegnologie in die klaslokale aanbring. Dit is vir ons belangrik dat al die leerders voordeel daaruit kry en, dat onderrig in die klas tred moet hou met die nuutste tendense in die wêreld.

Hierdie projek het egter 'n redelike finansiële implikasie. Om genoemde rede versoek ons dat u asseblief u persoonlike bydrae van R150 per maand sal eerbiedig, maar ook dat u ons asseblief moet inlig van persone of instansies wat u dink bereid sal wees om tot die projek by te dra. Bespreek dit asseblief met oudleerders wat reeds gevestigde beroepe beklee.

KRIEKET

DOGTERS

Op 28/01/2019 speel die dogters-krieketspan teen Montagu. Montana behaal 41/4 en Montagu wen uitendelik met 42/9.

o.19 SEUNS T20 vs GIMNASIUM

Seuns verloor ongelukkig

O.15 SEUNS VS MONTAGU

Montana wen met 5 paaltjies.

Liam Tucker het 25 lopies en O'Niel Feast het 20 lopies, nie uit nie.



KLEURE-ATLETIEK

DOGTERS

Beste Senior Veldatleet: Anjé Viljoen

Beste Junior Baanatleet: Lizelle Opperman

Beste Junior Veldatleet: Lisa Nieuwoudt

Beste Enkele Prestasie: Anjé Viljoen (gewigstoot)

Meeste punte vir 'n span: Lizelle Opperman

Junior Victrix Ludorum: Lizelle Opperman

Senior Victrix Ludorum: Anjé Viljoen

Geesbeker: Blouspan

SEUNS

Beste Senior Baanatleet: Keagon Soldaat

Beste Enkele Prestasie: Keagon Soldaat (100m)

Meeste punte vir 'n span: O'Neill Feast

Junior Victor Ludorum: Chriswyn Snyman

Senior Victor Ludorum: Laudo Witbooi

Spanbeker: Blouspan



SWEMGALA

Junior Victrix Ludorum: Jenae Venter

Senior Victrix Ludorum: Anjé Viljoen



Junior Victor Ludorum: Luke van der Merwe

Senior Victor Ludorum: Pierre le Roux & Juandré Millen

VALENTYNSPIEKNIK

Die jaarlikse valentynspekniek vind op 14 Februarie 2019 aan die einde van die skooldag plaas. Pak jou kombes en 'n lekker piekniekmandjie in!



VALENTYNSBAL

Die OOV-Valentynsbal vind op Vrydag 15 Februarie plaas. Kaartjies teen R90pp is van Maandag 4 Februarie by Montiemond beskikbaar.

Montie Montana

hs_montana

Legendes
**Hoërskool
Montana**
Opedag

20 Februarie 2019
17:00 Registrasie
17:30 Besigtigstoere vir leerders en
ouers
19:00 Inligtingsessie

hoof@monties.co.za

023 347 0476

#montieweesisfees

DAGBOEK: 4 FEBRUARIE – 17 FEBRUARIE

4 Feb: **Dag 6**

VRL: Gr 8-Nominasies

OOV: Burgerverkope

5 Feb: **Dag 1**

Krieket: Dogters vs HUB (tuis)

6 Feb: **Dag 2**

Toets 4

7 Feb: **Dag 3**

Krieket: O.15 vs HUB (tuis)

8 Feb: **Dag 4**

Toets 5

Tennis: 1ste vs Drostdy (weg)

2de vs De la Bat (tuis)

VRL: Gr.8-toesprake en verkiesing

Atletiek: Noord-Boland

9 Feb: **Krieket:** O.15 & O.19 Interskole vs

Stellenbosch (weg)

Atletiek: Noord-Boland

11 Feb: **Dag 5**

SBL komiteeverg: Sport & Kultuur

Gholf: Theewaterskloof

12 Feb: **Dag 6**

SBL: Infrastruktuur

Krieket: Dogters vs DVG (weg)

13 Feb: **Dag 1**

Toets 7

14 Feb: **Dag 2**

VRL: Valentynspekniek

VRL: "Hoot for Love"

Krieket: O.15 vs DVG (tuis)

15 Feb: **Dag 3**

Tennis: 1ste vs Bonnievale (tuis)

2de vs Drostdy (weg)

OOV: Valentynsbal

16 Feb: **Krieket:** O.19 vs Robertson (tuis)

Toutrek: Worcester Gim

Fietsry: WC XCO #



GEDAGTE VIR DIE WEEK:

“Die verskil tussen ‘n suksesvolle persoon en ander, lê nie in die gebrek aan kennis, krag of vaardighede nie, maar eerder aan die gebrek om te **probeer**.”

Vince Lombardi

Geniet die naweek.

D J Diedericks
SKOOLHOOF



VILJOEN JUWELIERS

Vervaardigers van Juwele en Ewigheidsomblikke




Chartered Accountants (SA)
Geoktrooierde Rekenmeesters (SA)

Experience the Difference • Ervaar die Verskil



Advice Group • Advies Groep

FDV/ FSP 12645



Jan De Winnaar

B. Optom (RAU) F.O.A. (SA) C.A.S. (USA)
Dip. SBM (DMS) COVD (Cert)

Oogkundige • Optometrist

H/v Fairbairn & 44 Russellstr.
Worcester
6850

Tel.: 023 347 1035
Faks/Fax: 023 342 7660
E-mail: jandw@telkomsa.net
www.jdwoptometrist.co.za



Alpha Civil
CIVIL ENGINEERING CONTRACTORS



19 EEUFEEES STREET, WOLSELEY

TEL: 023-231 00081

FAX: 023-231 1520